

Publication: Berita Harian, p 6

Date: 8 February 2013

Headline: DPM Teo: clear reasons why dual citizenship is not suitable for Singapore

DPM Teo perjelas sebab dwikerakyatan tidak sesuai bagi Singapura

DWIKERAKYATAN tidak sesuai bagi Singapura buat masa ini, tetapi pemerintah berfikiran terbuka mengeninya, kata Timbalan Perdana Menteri (DPM), Encik Teo Chee Hean.

"Mbenarkan warga Singapura mengekalkan atau memperolehi kerakyatan kedua tidak akan meningkatkan jati diri, bahkan boleh melemahkannya," kata beliau semasa menjawab soalan Anggota Parlimen Dilantik

(NMP), Encik Eugene Tan, di Parlimen, semalam.

Encik Tan bertanya apa syarat yang perlu ada sebelum Singapura dapat menerima dwikerakyatan memandangkan semakin ramai warga Singapura berkahwin dengan warga negara lain.

Menurut Kertas Putih Kependudukan, trend perkahwinan antarabangsa semakin meningkat dengan empat dalam 10 perkahwinan warga Singapura di sini melibatkan

pasangan warga asing.

Dalam jawapannya itu, Enck Teo berkata kerakyatan ialah satu perkara serius dan warga Singapura menikmati hak serta keistimewaan sebagai warga, oleh itu dikehendaki memikul tanggungjawab sebagai warga.

"Warga asing diberi kerakyatan Singapura hanya jika mereka komited menjadikan Singapura kediaman mereka, dan melihat masa depan jangka panjang dengan Singapura," ujar Encik Teo, yang juga Menteri Penyelaras Keselamatan Negara dan Menteri Bertangungjawab bagi Isu Kependudukan.

Mereka juga harus bersedia melepaskan kerakyatan asing mereka, tambah beliau.

Beliau selanjutnya berkata warga Singapura harus mempertahankan pertiwi dan anak watan pada masa-masa sukar, di samping bekerjasama membina masa depan yang baik lagi cerah bagi negara ini.

"Singapura sebuah negara kecil dan muda. Jadi, lebih penting bagi kita memastikan semua warga mempunyai komitmen jangka panjang untuk membina masa depan di sini.

"Singapura sekarang tidak berada dalam keadaan dimana membenarkan warga Singapura memegang dwikerakyatan akan memperkuuhkan kedudukan kita sebagai sebuah masyarakat atau sebuah negara," kata Encik Teo.

Ditanya Encik Tan apakah Singapura akan berfikiran terbuka dalam hal ini, Encik Teo menjawab pemerintah akan terus berfikiran terbuka.